



BENEDICTUS PP. XIV.

Ad perpétuam rei memoriam.



LINCULTUM FF. MINORUM S. FRANCISCI CAPPUCCINORUM
nuncupatorum Ordinem, dum in Minoribus quidem effemus, ea,
qua par erat, veneratione prosequeremur, in hac vero Sacrosancti
Apostolatus specula constituti, majoribus Apostolicae nostrae carita-
tis, benignitatisque testimonis completi gestimus, considerantes
maxime, quanta, & quam luculenta Christianae pietatis, & religiosae
perfectionis exempla, cum sacrarum doctrinarum splendore, atque aeterna Anima-
rum salute conjuncta ab initio in Catholica Ecclesia, ita in dies proferant religiosissi-
mi illius Ordinis Alumnii, ut nihil Orthodoxos, A Catholicosque vicissim vehemen-
tius perstringat, & ad firmiter mentem reducat, quam celeberrimi Instituti inita
cum austerioris vitae sanctimonia ratio, & Christianarum virtutum semita prius per
eosdem Alumnos, quam diutissime trita, deinde aliis exemplo, & verbo indicata. Ea
propter accedentes Nos ad audiendum Verbum Dei, quod in Apostolico Palatio
Statis temporibus praedicari solet, tunc temporis maximopere laudabamus Sapien-
tissimum Romanorum Pontificum Praedecessorum nostrorum Consilium, qui ex hoc
potissimum Ordine Praedicatores ad hujusmodi officium adfuisse consueverunt; Ex
illo enim, non tam majorum nostrorum, quam nostra etiam memoria prodierunt
insignes Verbi Dei Praecones. Quorum etiam in praesentia quamplurimi ubique per
Catholicum Orbem commendantur. Inter alios vero, qui praeclaras Concionatoris
in Palatio Apostolico partes, summa cum nominis laude, expleverunt, praeter Ve-
nerabilem Fratrem Bonaventuram Ferrariae Archiepiscopum a Nobis, dum in mino-
ribus pariter effemus, cum voluptate diu auditum; ac tantopere probatum, duo
etiam in Sacram Sanctae Romanae Ecclesiae Cardinalium Collegium adlecti fuerunt,
Anselmus a Manopoli, & Franciscus Maria ab Aretio. His sane, aliisque animum
nostrum moventibus, atque ex eo etiam adducti, quod in hac Alma Urbe nostra alia
Officia, atque Ministeria aliis nonnullorum Religiosorum Ordinum Alumnis ita
addicta in perpetuum sunt, ut munera hujusmodi, tamquam sibi debita vindicantes
Ordinum Superiores, quo laudabilis obeantur, optimum quemque suorum omni
studio

studio, atque cura conquirant. Confidimus fore, ut in posterum, quemadmodum hactenus, benediciente Domino, factum est, ex memorato Cappuccinorum Ordine eximii in Apostolico Palatio Concionatores habeantur. Itaque, Motu proprio, non ad alicujus Nobis, super hoc oblatæ petitionis instantiam, sed de nostra mera deliberatione, ac certa scientia auctoritate Apostolica, tenore presentium, statuimus, decernimus, & ordinamus, quod deinceps perpetuis futuris temporibus Officium prædictum Concionatoris Apostolici, alicui dicti Ordinis Minorum Cappuccinorum Professori, committi, concedi, & assignari debeat. Decernentes eandem præsentis litteras, & in eis contenta quæcunque, semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore, quâdoocumque spectabit, in omnibus, & per omnia plenissime suffragari, sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores, judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, nec non dicti Ordinis Cappuccinorum, etiam juramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque Indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum, hac vice dumtaxat specialiter, & expressè derogamus, ceterisque contrariis quibuscunque. Datum Romæ apud Sanctam Mariam Majorem sub annulo Piscatoris die 2. Martii 1743. Pontificatus Nostri Anno Tertio. Pro D. Card. Pafioneo Cajetanus Amatus.

Concuenda este traslado con su original, que para este efecto exhibió ante mi el R. P. Fr. Miguel de Antequera, Predicador Capuchino, y Director del Divino Oficio de su Provincia, à quien lo bolví, y firmó aqui su recibo, y ya cierto, y verdadero, à que me remito. Y para que conste, à su pedimento yo el Sr. D. Diego Anad de Guzmán, Notario App. y Público de la Audiencia Arzobispal desta Ciudad de Granada, y Arzobispado de el presente, y lo firmé, y firmé en ella en Sevilla y quatro dias del mes de Mayo de mil setecientos quatroenta y tres años.

Fr. Miguel de Antequera

M. D. Diego Anad

de Guzmán

Notario